


The Makuilongdi Express

Liangmai Daily Newspaper

"Mazibo niu ngamne"



Tuhoi Russia nai Ukraine charijiu bamboga Russia niu pabam kasia ga sonkumbo jengniu khatdi paliugu Army's leadership tu chiabambo jengniu kasanbo general Sergey Surovikin tu Nidwannai niu kadakhai lan mide.

Takum 35 mibo Argentina gu star Lionel Messi hai wangkinbo World Cup 2022 Qatar ganiu pagu career kanambo thiumi raye chiujiu dinne. World Cup paluan mangiu thiujju mathen rabo hai acheng ringbo khatdi achun kasabo di bamme chiujiu paniiu dinne.



Zengtung 10 Chagaahiu 2022 Mennai Chiang PO Tamei ,Tamenglong Dist. Manipur Vol.01. Issue 15. Page 1

Mazimakbo ladzansi naliuniu thiumak rabo we, khatdi kasamai tu chamiu mareng thiumak rabowe. Tathoilui 82:2

Chinggen lam lungbam maitu delimitation exercise thiubambo si cooperetion pimahne chiujiu ATSUM niu din mide.

IFB Bureau, **Imphal. Chag. 9:** All Tribal Students' Union Manipur (ATSUM) niu chinggen lam lungbam mai dungtu tuhoi Autonomous District Council election leng jengniu delimitation exercise thiukiujiu bambosi machuong (cooperation) makra chiujiu paliugu tachamga dinpat mide. Hill Areas Committee (HAC) tudi majatjiu tuhoi paliuniu constitution makbo khatdi mathiu luni kamakbo zaiga kamjiu bambo hai mathak milo chiujiu khengsan khai mide. ATSUM gu ladbamga dinjiu masuang tribal parliamentarians chamai 14 niu President Droupadi Murmu, tuhoi Manipur government niu Constitution of India gu Article 371C gutu majujiu kambambo haitu khamkhai mira dinkhai mide chiujiu dinne. Ex-parliamentarians dungniu President tu phuikhaira phungkhangbo bill sum haisira, Bill No. 14, the Manipur Land Revenue and Land Reforms (Seven Amendment) Bill 2022; Bill No. 15, The Manipur (Hill Areas) District Council's (Sixth Amendment) Bill 2022, khatdi Bill No. 16, The Manipur (Hill Areas) District Council's (Seventh Amendment) Bill 2022 haidung siye.

Munhu Awangbow niu majang lujiu National Highway 137 (Tamenglong- Mahur) pui lamga madin thiukhai mide.



TT Tamenglong **Tml. Chag. 7:** Minister administration almsu SDO Water Resources, Relief and Disaster Management Meitei khatdi Tousem gu Munhu Awangbow SDO Pual Nangsha wangjiu Newmai niu majang lujiu madin thiuboga zoukhai ye ndahnai Tamenglong in-chiujiu dinne. Sigasu n-pui dhor stadium ga National chuwang boga charam Highway - 137 niatoubo charampao mai (Tamenglong- Mahur) pui khatdi namgu authorities chawang boga niatoubo mai chamai 70 dou wangjiu namgu charam pao joukhai mide. Siga maidungtu khatdi village Awangbow Newmai niu authorities maidungtu dinjiu nam-nam gu majang lujiu madin zupoumai dung khatdi thiukhai mide chiujiu chamram pou maidung chiujiu dinne. Meeting ga chalung dikhaira dinjiu "

Tadmibo Nidwannai AMDDA Tamenglong Branch gu office Tamei Hq gadi lekhai mide.



TME. Tamei Chag. 9: thiukhai ye khatdi Tadmibo Zengtung 8th Moirangthem Sarojini Leima, Advisor, AMDDA niu Guest of Honour thiukhaijiu lepat khai mide. Sigasu Special Guest khatdi Special Invitees mai kahtdi public mai chamai kengjiu wang padam lucham k h a i m i d e . **condt. P.2**

Naga citizen group niu NSCN(IM) nai NNPG tu khat thiura madin thiukhai mide.



NN NE NOW **Nagaland. Chag. 9:** Nagaland ga bambo citizens' group Forum for Naga Reconciliation (FNR) niu majang lujiu tuhoi NSCN (IM) nai NNPG kakga chuncham lakbo bambosi kawi thiujju khat thiumira khatdi Nagamai gu political issue hai majatbo lungga solution hai dura kamkhe chiujiu dinne. NNPG haisira militant group chania niu aruangbo phom kahtle, paliura 2017 lamsu pro-Final peace pact hai kamlujiu khonbam mibowe chiudi NSCN (IM) ra tuhoi Thuingaleng Muivah niu majang lujiu Naga gu pengphai nai Constitution hai tamjiu pimaksai lulakge chiujiu bambo phom khatle. **Condt. p.2**

Karingting Lunlung



@@@Nang IRB recruitment lolu result tu khonbamboi chiugasu I nanou thiubi, tuhoi katang result patmat, anianah khangsum mirai, kaluu-kaluu nanou thiumak sra wiraboi!!!! #Heh!! chaladse, anou thiumak sra aliu ting-ting kihkhio-khio bamra maning mah delad dinhah!!!

Katathuimai thiura matanbo makjiu magun bammai thiura matan lulo.

**Editorial
Mathenbo**



Tuhoi Indian National Football Team under 17 gu Asian Cup 2023 Qualifiers leng AI Khobar, Suadi Arabia ga mathenjiu bamboga Manipur maina Thanglalsoun Gangte niu match sumga goals 12th chan khaijiu goal chan makeng kachangboga bammine. Pagu lunlung maksai panu tienkinbo phuibo ga kadin piubo khatdi maranbo donjeng niuwe chiujiu patu chalad maniuboga panu dinne. Haikumbo phuikhai boga aliu zat tu makum khaijiu alung thiubo kengjiu padkam bamme. Aliu zairiang niumah? maksai aliu poupe gu nuan niu mah? Ndegu aliutu kakhambo bamlo maksai aliu nde tientang makbi jiulo chiubo makum ra pawan mide. Maizatras patun hinang ga aliusuang tadrai kam mide. Aliura patun hinang ga suanjiu bambo mathiu siye. Aliudi khengsi khe, maran khe, matunjiu lungkhe khatdi kadinpiu jiu lungkhe. Liangmai di, rakpad sukhe.

Naga citizen group niu NSCN(IM).... cond. from P.1 Tadmibo Nidwannai Dimapur ga FNR niu majang lujiu social workers, NGOs khatdi civil societies gu zupoumai wajiung wang lujiu haibo phomnia tu common platform ga majang wang lujiu Naga gu historical nai political rights jengniu masuang tadngut sanra khat thiumaksai doulakge, sinu FNR niudi kangambo jai gasu paliutu hai khat thiura mira karam raye FNR gu tachamga din mide.

Awangbow Newmai special scheme for widower, orphan and disabled first installment pipad mide.



TML. Chag. 9: Minister of Water Resources Department and Relief & Disaster Management Awangbow Newmai niu tadmibo Nidwannai Tamenglong District Hq, Shekinuh Inn ga "Awangbow Newmai special scheme for widower, orphan and disabled" raithubo installment hai rangkang 4.50 lakh hai chamai 300 leng njan chiujiu dinne. Panu mathiu ruangga dinjiu haibo scheme chahiuga 500 hai douzimai dungleng pikhai raboi, chahi sumesai gup chiusai paliugu account ga direct transferred thiukhai sune. Khatdi haibo scheme hai tuhoi phungjiu bambo 12th Manipur Legislative Assembly gu term kaloi tang tadkiu raye chiujiu panu dinkhai mide.

Hanah Liangmai ladjeng hawang kinne.

By Tarising. Charawang gandam Liangmai dung chamainah pum haira lung maha lakge chiuti Liangmai ladjeng haira lung-lung bamti hami sune chiubo makumme palamra thaidou nadung chabonmai Liangkxon si masan makboi chiubo maisi standard kabam maiye chiubo neng paliu lungchun ga bamme. Paliu ronna paliutu maning madi mibo jengniu Liangkxon khuangsi bamti simakbo thak kamjiu Liangkxon pouphi riirih jiu lungmibo donjeng niu Lianglad hami raboi chiuboi. Maki khoula mai niu Lianglad kadinbo suang samine. Palam khatniu, mai chadra tasi silujiu pachad chengriak khatdi pachad ladlui mairuang ga kam madi, thin madijiu lung nge. Aniu Liangmai dungra makikhoula mai ruanglam wang misai Liangkxon khuangping maksai Lianglad pou mangamme chiuwe. English kikhon katimak doulakbo saisui kati bamtati napui-piu lad Liangkxon haira Apou Charawang niu Liangmai chad lad neng gandam khaimiboi. Naladtu thin madi, thin matheng bamsai Lianglad ha lakge, chiu makjiu tunou/tukhoi lun kumjiu lung judsai Lianglad hami raboi chiujiu roukhai boi. Thonkiu we.

Noted: Chaladjeng, spelling khatdi pakxon hai karoupiu gu machunne, Editor gu machunra makge.

Munhu Awangbow niu majang lujiu National Highway 137.

condt. from P. 2 aliuniu charampou mai tu namphujiu kambo makge chiudi naliulung dikhaijiu changam hai tien taphuang lura khatdi compensation lumak khera palamra naliuniu khengsuibo majibamme chiudi aliugu case ra maigu nai ncham makge" chiujiu panu dinsan khai mide. Siriga panu dinjiu pui kapha wimisai aliugu chariuhai n-khinkiu sune khatdi kalungbo lunglun hai disukhang san sune.

Wangjiu bambo charam poumai ra compensation pimakbora suinimakge palamra pui chuwangbo gasu paliugu alin tara wajiukha kam masamide chiujiu dinne.

Tadmibo Nidwannai AMDDA Tamenglong...

condt. from P.1 All Manipur Dalit Development Association Tamenglong District gu President Munhu Pouhotdibou niu maduiga tacham dinjiu, haibo association hai thaiting niu Hill area lamra houjiu bambowe, district kakeng lamra office di lepatjiu bam mine. Sikumjiu Tingwang niu chalungsa khaijiu Tamenglong District branch office gu thiujui Tamei gadi zengtung 8/10/22 bonai office inuagrate thiukhai bowe. AMDDA gu machunra lung chariujui bammai, papui papui hamai, kamihpui kamihpui thiujui bammai khatdi chaki chalu haji bammai tu phuikhai ra leng nge. Haibo NGO haira political makge, maihinang aruang lujiu tatienu thiura raye chiujiu panu dinkhai mide.

Sikhai lanbo

Haibo The Makuilongdi Express tu chalung sajiu kenkhai jiu bammai mathiutu thonkiubo madukhaibo nai nchamjiu khengkhai bowe. Haisi aliu mathiu guwe chiubo makum khai lujiu naliugu machundi khatdi pageng bambo aliu society leng kachukhai suibo bamsai roulujiu pikhai janlo naliugu machun kawibo mathiuleng publish thiukhaira lengniu kambam bowe. Correction bidi kamsa makjiu dinkhai ratu agun bamme.

